

邑三千戸及隨身兵仗國有成式又准三宮給年官給先帝○文之恩寵也至于封邑固讓二千唯原作准據都氏享千戸隨身等事皆辭不受朕以祿法所當古賢不辭既能有其功居其位何不食其祿增其威然則所辭封邑等事乖元老崇班之義非國家褒飾之心故今不敢踰法唯盡其所當宜其封戶全食

三千以內舍人二人左右近衛左右兵衛各六人爲其隨身之兵十四日庚寅太政大臣從一位藤原朝臣良房抗表曰臣伏奉今月十日勅旨賜臣以食邑如舊命年官准三宮帶刀資人隨身兵仗等事荷恩不力銜贍無間臣聞太政大臣者上理陰陽下經邦國一人有慶師範猶施四海無波儀形自用而先帝不棄臣庸瑣委以此崇班純陽未免履冰臘月逾添流汗自愧形影深執摶謙唯許減封三分有一中略不許十八日甲午太政大臣重抗表曰○中今陛下藜羹自存王公茅土且減臣全不食邑之意將斷先已之嫌若事不得已義可必行五稼登年群臣復舊然後同享所減臣願足矣○中勅答曰○中來表以爲穀稼載登鳬雁在御然後食邑固不敢當朕重違元老之意欲開福謙之門宜分爲三以享其二自餘一如前詔卽斷後章

○按ズルニ藤原良房太政大臣タルヲ以テ三千戸ヲ賜フベキヲ辭シテ千戸ヲ受ケタルヲ以テ是ニ至リテ法ニ依リテ三千戸ヲ授ケントシタルヲ又辭シテ二千戸ヲ受ケタルナリ

〔三代實錄清和二十二〕貞觀十四年十一月二日戊辰右大臣○藤原基經抗表曰云々誠願見賢齊還職封之一

半積小成大裨國用之萬分不堪惄誠謹以奉表詔許之

〔三代實錄清和二十三〕貞觀十五年四月十六日庚戌左大臣從三位兼行皇太子傳源朝臣融上表請還食封千戸勅答曰來表悉之○中至彼減封之請苟存利國之義復有舊章不敢排拒朕之此意公能順之

〔菅家文草九奏狀〕爲源大納言重請被返納職封二百戸狀

右臣多先策款情謹待容納誠之無徹拒以不聽臣家富歲輸伏臘之餘逾積身愚朝列負暄之志未休今如臣所請事據成式不敢追風往賢將以底露方寸伏願陛下特垂含弘之鑒返納臣職封二百戸不